

Anekso: Medidanan pa Hulanda Karibense (Sint Eustatius, Saba i Boneiru) => solamente Hulanda Karibense

### **1. Pèrdida di salario i entrada**

Un empresario ku tin di haber ku pèrdida di volúmen di benta (mínimo 20%) i ku komo konsekuensia di esaki no por tene personal na trabou, por pidi un kompensashon pa kosto di salario (80% di e maksimalisashon di e salario pa dia) pa un periodo di tres luna RCN-unit SZW.

Dunadó di trabou ku hasi uzo di e medida akí ta obligá pa tene nan personal den servisio i sigui paga nan kompletamente, ta kompensá e dunadó di trabou na un forma supstansial. E medida di emergensia ta bálido pa trahadó ku un kontrato 'di sero ora esta nuluren' i un kontrato temporal.

### **2.Sosten èkstra pa empresario independiente i otro persona priva**

Gabinete ta establese un areglo temporal pa sostené empresario independiente, entre nan 'ZZP'ers' pa asina nan por sigui ku nan kompania. E areglo di emergensia akí ta komparabel ku e medida pa trahadó formulá aki riba. Pa e grupo akí tin un kompensashon di maksimal 80% di e WML disponibel.

Trahadónan ku a konsekuensia di corona vírùs ya kaba a pèrdè nan trabou por bin na remarke pa e areglo akí. Por último por apliká pa haña ònderstant spesial, por ehèmpel a base di gastunan nesesario pa kosto di bida ku ta surgi debí na e situashonnan partikular ku ta reina.

### **3.Pakete di emergensia**

Ta elaborá e kompensashon menshoná den e karta di 17 di mart último, den forma di un regalo pa promé emergensia pa empresarionan afektá , tambe pa empresarionan na Hulanda Karibense.

### **4.Sosten di likides**

E medidanan pa sosten di likides pa kompanianan ku a anunsiá na Hulanda Oropeo, ta bai konta pa Hulanda Karibense tambe:

- Pa Hulanda Karibense lo introdusí un posibilidat temporal pa eksonerashon spesial di pago pa empresarionan ku a haña nan, òf ku lo haña nan den problema di likides dor di e corona vírùs.
- Ta habri e fasilidat temporal bou di BMKB na Hulanda Karibense Komo ku bankonan te ku awor no ta uzando BMKB mashá, lo duna informashon èkstra tokante e instrumento aki den palabrashon ku e Kámaranan di Komèrsio di Boneiru, Sint Eustatius i Saba. Ademas , al kontrario ku na Hulanda Oropeo, BMKB ta habrí pa empresarionan agrario, inkluso sektor di peska i kultura 'aqua'.

- Lo amplia e reglamentu GO na mes manera ku na Hulanda Oropeo. E reglamentu aki ta intenshoná pa kompanianan mas grandi, pa fianza riba \$1.5 mion. Tokante di e reglamentu GO tambe lo duna informashon èkstra den palabrashon ku e Kámaranan di Komèrsio.
- E ampliashon di Qredits anunsiá den e karta di 17 di mart último, tokante e pakete di emergensia pa trabou i ekonomia pa Hulanda Oropeo ta bálido pa Hulanda Karibense tambe.

### **5. Konsulta tokante impuestonan insular**

Gabinete lo konsultá ku kolegianan ehekutivo di e entidatnan públiko tokante e posibilidat pa para kobramentu di impuestonan insular serka empresario. Ta trata aki partikularmente impuestonan turístiko i rekargonan riba impuesto di propiedat.

### **Unda personanan privá i empresarionan por akudí?**

Bankonan por entregá petishonnan pa areglo di krédito ekstendé (BMKB i GO) serka PM (RVO), e organisashon ehekutivo di Ministerio di Asuntunan Ekonómiko i Klima.

Empresarionan ta mèldu serka nan dunadó di krédito pa esaki. Pa e medidanan fiskal, empresarionan por akudí na Belastingdienst Caribisch Nederland (BCN).

Pa e areglonan di Ministerio di Asuntunan Sosial i Labor, unidat SZW di RCN ta e instansia designá. E unidat ta hasi su máksimo esfuerso pa publiká mas informashon i e formularionan di aplikashon mas lihé posibel riba [www.rijksdienstcn.com/covid-19](http://www.rijksdienstcn.com/covid-19).